

**Zavod zdravstvenog osiguranja
i reosiguranja Federacije
Bosne i Hercegovine
Sarajevo**

Na osnovu člana 104. stav 1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11, 36/18 i 61/22), člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) i člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05), a u vezi tačke IX Odluke o utvrđivanju osnovnog paketa zdravstvenih prava („Službene novine Federacije BiH“, broj:21/09), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 137. sjednici, donosi

**ODLUKU
o obustavi primjene
Odluke o sufinansiranju pruženih zdravstvenih usluga i nabavke lijekova**

Član 1.

Obustavlja se od primjene Odluka o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019.godine, broj: 02/I-01-1-4108-1/19 od 26.11.2019.godine, broj: 02/I-01-1-1198-1/20 od 08.04.2020.godine i broj: 02/I-01-1-3472-1/20 od 17.12.2020.godine i broj: 02/I-01-1-2963-1/21 od 29.09.2021.godine (u daljem tekstu:Odluka o sufinansiranju).

Obustavi iz prethodnog stava se pristupa radi kontinuiranog porasta broja oboljelih i liste čekanja pacijenata za lijekove i zdravstvene usluge koje se finansiraju iz sredstava federalnog fonda solidarnosti zbog čega se, srazmjerno navedenom, povećavaju i troškovi liječenja za koje Zavod zdravstvenog osiguranja i reosiguranja Federacije Bosne i Hercegovine nema dovoljno sredstava te ne postoji i mogućnosti sufinansiranja pruženih zdravstvenih usluga i nabavke lijekova saglasno ovoj Odluci, pri čemu se uzima u obzir i iskazani višak rashoda nad prihodima u 2022. godini.

Član 2.

Odluka o sufinansiranju iz prethodnog člana se obustavlja dok traju okolnosti navedene u članu 1. stav.2. ove Odluke,odnosno dok se ne osigura dovoljno finansijskih sredstava za redovno finansiranje troškova pruženih zdravstvenih usluga i nabavke lijekova za prioritete federalne programe zdravstvene zaštite, a koji će ponovno omogućiti sufinansiranje troškova u smislu Odluke o sufinansiranju.

Po prestanku okolnosti i osiguranju dovoljno finansijskih sredstava navedenih u prethodnom stavu,Upravni odbor Zavoda zdravstvenog osiguranja i reosiguranja Federacije BiH će donijeti posebnu Odluku kojom se stavlja van snage ova Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

Član 3.

Zahtjevi podneseni do stupanja na snagu ove Odluke, razmatraće se na način i u skladu sa Odlukom o sufinansiranju dok će se zahtjevi podneseni nakon stupanja na snagu ove Odluke razmatrati po ponovnoj uspostavi primjene Odluke o sufinansiranju.

Ova Odluka stupa na snagu danom donošenja.

Broj:02/I- 01-1-2522/23
Sarajevo,30.05.2023.godine



I-Pravni osnov

Pravni osnov za donošenje ove Odluke sadržan je u odredbi člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini".

Takođe pravni osnov za donošenje ove Odluke sadržan je i u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te , između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašćen zakonom, podzakonskim, općim i drugim aktima).

II- Razlozi donošenja

Utvrđeno je da je došlo do kontinuiranog porasta broja oboljelih i liste čekanja pacijenata za lijekove i zdravstvene usluge koje se finansiraju iz sredstava federalnog fonda solidarnosti, čime se povećavaju i troškovi liječenja za koje Zavod zdravstvenog osiguranja i reosiguranja Federacije Bosne i Hercegovine nema dovoljno sredstava te ne postoji i mogućnosti sufinansiranja pruženih zdravstvenih usluga i nabavke lijekova saglasno ovoj Odluci.

Treba napomenuti i da je Federalni zavod u 2022. godini ostvario višak rashoda nad prihodima, a u aprilu 2023. godine Upravno vijeće Zavoda zdravstvenog osiguranja donijelo je Odluku o usvajanju Plana sanacije gubitka Zavoda zdravstvenog osiguranja i reosiguranja Federacije BiH za 2022. godinu.

Također se napominje i da je donesena je i Odluka o usvajanju Plana internih i eksternih mjera za postizanje finansijske održivosti Fonda solidarnosti Federacije Bosne i Hercegovine, a blagovremeno usklađivanje potrošnje sa planiranim sredstvima je jedna od utvrđenih mjera.

Navedeno može ugroziti i redovno finansiranje troškova pruženih zdravstvenih usluga i nabavke lijekova za prioritete federalne programe zdravstvene zaštite, odnosno prioritete najsloženije oblike zdravstvene zaštite iz određenih specijalističkih djelatnosti utvrđene tačkom IX Odluke o utvrđivanju osnovnog paketa zdravstvenih prava, odnosno utvrđene Odlukom o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08) odnosno odredbama Pravilnika o uslovima i postupku upućivanja osiguranih lica na liječenje u inostranstvo („Službene novine Federacije BiH", br:93/13, 102/15, 16/19 i 22/19), a koje u ovakvoj situaciji, svakako ima prioritet

Saglasno navedenom radi nemogućnosti pokrivanja troškova koji proizilaze iz prava pacijenata te i nemogućnosti sufinansiranja pruženih zdravstvenih usluga i nabavke lijekova saglasno ovoj Odluci, uzimajući u obzir i iskazani višak rashoda nad prihodima u 2022. godini, a u cilju postizanja financijske stabilnosti, donosi se ova odluka.

III- Obrazloženje pravnih rješenja

U članu 1. Odluke o obustavi primjene Odluke o sufinansiranju pruženih zdravstvenih usluga i nabavke lijekova (u daljem tekstu: Odluke o obustavi primjene Odluke o sufinansiranju) navedeno je da se ustavlja od primjene Odluka o sufinansiranju te se navodi da se obustavi pristupa radi kontinuiranog porasta broja oboljelih i liste čekanja pacijenata za lijekove i zdravstvene usluge koje se finansiraju iz sredstava federalnog fonda solidarnosti zbog čega se, srazmjerno navedenom, povećavaju i troškovi liječenja za koje Zavod zdravstvenog osiguranja i reosiguranja Federacije Bosne i Hercegovine nema dovoljno sredstava te ne postoji mogućnosti sufinansiranja pruženih zdravstvenih usluga i nabavke lijekova saglasno ovoj Odluci, pri čemu se uzima u obzir i nastali gubitak (višak rashoda nad prihodima) u 2022. godini.

U članu 2. Odluke o obustavi primjene Odluke o sufinansiranju se navodi da se Odluka o sufinansiranju obustavlja dok traju okolnosti navedene u članu 1. stav.2. ove Odluke, odnosno dok se ne osigura dovoljno finansijskih sredstava za redovno finansiranje troškova pruženih zdravstvenih usluga i nabavke lijekova za prioritetne federalne programe zdravstvene zaštite, a koji će ponovno omogućiti sufinansiranje troškova u smislu Odluke o sufinansiranju te da će po prestanku navedenih okolnosti i osiguranju dovoljno finansijskih sredstava, Upravni odbor Zavoda zdravstvenog osiguranja i reosiguranja Federacije BiH donijeti posebnu Odluku kojom se stavlja van snage ova Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

U članu 3. Odluke o obustavi primjene Odluke o sufinansiranju se navodi da će se zahtjevi podneseni do stupanja na snagu ove Odluke, razmatrati na način i u skladu sa Odlukom o sufinansiranju dok će se zahtjevi podneseni nakon stupanja na snagu ove Odluke razmatrati po ponovnoj uspostavi primjene Odluke o sufinansiranju.

U članu 4. Odluke o obustavi primjene Odluke o sufinansiranju se navodi da ova Odluka stupa na snagu danom donošenja.